

671.3443
078
14

光州志

光州志卷之四

光州直隸州知州楊修田總纂

〔物產志〕

周官職方氏河南曰豫州其利林漆絲枲其畜宜六擾其穀宜五種東南曰揚州其利金錫竹箭其畜宜鳥獸其穀宜稻此舉其大者言之州及光山固始商城於古爲揚州域息縣爲豫州域土宜所出各有不同惟州及光山固始商城以稻爲主息縣以麥爲主其物產悉列於左

穀之屬

稻有秔有稞秔稻不黏者也其早穫而尤不黏者曰秈最早者曰六月報小暑卽熟曰等苞齊粳甲薄而米堅好曰芋麻鮮種須肥田懼風粳薄米白每石可舂米五斗五升曰銀條占米白粒長味甚芬田肥者宜之曰青稈占莖長而粒多曰百合占芒多穗長早收中收各異俱不耐早晚收之秔曰紅毛晚曰黑殼晚二種有芒耐旱曰籼子晚穗長粒密亦耐旱曰深水晚夏種秋收性耐水能從深浸抽莖出水面但須厚壅復有亢地可藝者曰旱穀甲黑米紅五月種十月熟 稞稻性黏卽詩所謂多秔者也其早穫者曰早稞曰脂麻稞二種作餅餌

佳曰老來變一名泥裏變言不待曬也芒長粒大色白
早熟釀酒最佳中收者曰卡雞稷芒多米寡曰馬牙稷
粒長而白多蒸曬爲炒米曰墊倉底曰鶩翎白諸種俱
不耐早晚收者曰細葉柳曰陰山稷俱有芒曰虎皮稷
有黃斑曰牛眼白甲黃性輒俱五月種十月熟又有色
赤者曰紅稷性煖堪入藥 又有杭曰矮白一名師姑
稻粒白無芒稗矮五月種九月熟

麥一名來俗爲小麥爾雅翼云秋種冬長春秀夏實具四
時之氣其地暖處亦可春種夏收四氣不足微有毒性
有南北之異北地燥麥晝花薄稔多麴食之宜人南方

卑涇麥夜花性寒食多腹脹 又有牟一作麴卽今大麥宜爲飯又可爲酢其蘖可爲飴

梁北方名之曰穀脫穀則爲粟米亦曰小米有黃青白三種又有赤黑色者

菽爾雅翼眾豆之總名也有綠豆紅豆黑豆黃豆白豆青豆豌豆蠶豆豇豆刀豆扁豆黎豆稽康養生論豆令人重 息縣另有茶豆較黃豆差大黑黃色有雞虱豆苗蔓花葉似豌豆差小

黍一名秬卽黑黍一名秠一稭二米粒皆黃色北人呼爲黃米

稷一名稌可供祭祀一名粢禮稱明粢麥後先諸米熟故以供宗廟祭祀

蜀秫一名高粱一名蘆稌一名木稷種來自蜀不宜卑下地

脂麻有黑赤白三種一名芝蔴一名油蔴黑者名巨勝子可入藥沈存中筆談云古者中國止有大蔴張騫始自大宛得油蔴來故又名胡蔴

蕎麥一名菽麥一名烏麥立秋前後下種密種則實多稀則少八九月熟最畏風霜

蔬之屬

菘有二種莖扁薄而白者曰白菜莖圓厚而青者曰青菜
在諸菜中最耐久所謂秋末晚菘也

芥一名辣菜氣辛辣有介然之義種類不一古皆謂之芥
菘

蘆菔爾雅名葵一名來服俗呼爲蘿蔔有長圓二種分紅
白二色 又胡蘿蔔種出西域葉氣如蒿有紅黃二色
韭通志云韭性溫謂之草種乳禮記謂之豐本說文一種
而久者故謂之韭

蔥一名虀一名菜伯一名和事草物之用蔥者多故禮爲
君子擇蔥薤則絕其本末

蒜大蒜爲葫說文云葷菜也張騫使西域得大蒜以自胡
中來故又名胡蒜

薑說文曰禦經之菜也春秋運斗樞曰璇星散爲薑

菠薐一名菠薐草俗名菠菜劉禹錫嘉話錄出西域波陵
國今訛爲菠薐

蒿苳一名蒿笋一名生菜續博物志蒿菜出蒿國有小毒
百蟲不敢近人中其毒薑汁解之

芹一名水芙一名楚葵有水芹有旱芹周禮醢人加邊之
實用水草則有芹蒹

蕓薹俗呼油菜埤雅一名葍一名須爾雅曰須薺蕪也今

俗謂之臺菜

同蒿形氣似蒿故名二月下種可爲常食秋社前十日種可爲秋菜

莧埤雅有紅白紫三色爾雅曰蕒赤莧卽今紅莧是也莖葉皆高大而見故其字從見指事也又有馬齒莧

茄一名落蘇有紫青白三色來自暹羅紫者又名紫膨脝瓠埤雅瓠狀要類於首尾類於要微銳緣蔓而生有甘苦二種甘可食苦則與瓠均剖爲瓠

壺俗名葫蘆崔豹古今注曰壺盧瓠之無柄者也

瓜埤雅製字象其實在鬚蔓之間有黃瓜西瓜甜瓜東瓜

南瓜絲瓜稍瓜菜瓜數種

笋爾雅竹萌冬出者佳黃山谷云根須辰日劖笋看上番成凡笋一番兩番出者成竹至第三番者止可供食

芋一名蹲鴟一名土芝葉如荷長而不圓臠芋畏旱宜近水分水陸二種

山藥本名薯蕷本草署預味甘溫是也

紅薯種出南番一名番薯其大者曰玉枕一莖蔓延至數十百莖節節生根一畝種數十石勝種穀二十倍宜高地沙地若遇澇年水退在七月中既不及藝五穀即可剪籐種諸至於蝗蝻爲害草木食盡惟諸根在地蝗蝻

不及若蝗信到時急令人發土遍壅蝗去之後滋生更易凡有隙地數尺仰見天日便可種得石許此救荒第一義也

蔓菁一名諸葛菜根白如蘿蔔味似芋魁含有膏潤頗近穀氣六七月種來年四月收莖葉稍遜於根亦柔膩不類他菜人久食蔬菜無穀氣卽有菜色食蔓菁者獨否蓴葵一名香葵張騫得種於西域故名胡葵後因石勒諱胡改作香葵又以莖葉布散呼爲蓴葵

生菜一名白苣一名石苣似蒿苣而色白諺云生菜不離園宜採鹽醋拌食故名生菜又色紫者爲紫苣唐時立

春日設春餅生菜號春盤

茭白一名菰一名蔣根生水中葉如蔗荻春末生白芽如笋名菰菜其中心白薹如小兒臂名菰手八月開花如葦結實名彫胡米

蒲蒻出水中春初生嫩芽紅白色取其中心白蒻大如七柄者生啖之甘脆周禮謂之蒲蒻

蕨莖嫩無葉時採取作蔬根紫色皮內有白粉搗爛洗澄取粉名蕨粉可蒸食亦可盪食光山有

珍珠菜卽葶藶花乘花未破藥時連芽採之蒸晒作蔬商城有

百合一名摩羅根如蒜而大重疊生二三十瓣蒸食煮食
搗粉作麵食俱益人商城有

果之屬

梅一名礬先眾木花古人用以薦饋食之邊生純青酸甚
多食泄津液

梨一名果宗一名蜜父上巳日無風結梨必佳有二種瓣
圓而舒者果甘缺而皺者味酸

櫻桃一名楔一名含桃結子一枝數十顆圓如珊瑚極大
如彈丸小時青及熟色鮮瑩深紅者爲朱櫻紫色皮內
有細黃點者爲紫櫻核細而肉厚者爲崖蜜味甚甘美

桃木少則花盛實甘子繁故字從木從兆有紅桃爛桃白桃金桃灰桃皆以色名五月桃秋桃霜桃皆以時名脂桃絡絲桃毛桃皆以形名

杏種類不一有金杏白杏沙杏梅杏柰杏又有巴旦杏出回回地實小肉薄仁極清甘鮮者尤脆美

李子實有離核合核無核之異性耐久樹可三十年雖枝枯子亦不細

柿世傳柿有七絕一多壽二多陰三無鳥巢四無虫蠹五霜葉可玩六佳食可啖七落葉肥大可以臨書

棗一名木蜜齊人要術云早澇之地不任稼穡者種棗則

任矣 又有楨棗似柿而小一名丁香柿

栗八九月熟則苞自裂而實墜味甘溫無毒曝乾或火煨汗出食之良百果中最有益者性難剋化小兒不宜多食

核桃一名胡桃一名羌桃張騫自胡羌得其種故名

石榴出塗林安石國漢張騫使西域得其種故名安石榴木瓜爾雅楨木瓜郭璞注實如小瓜酢可食

香櫟埤雅果名似橘

無花果俗名木饅頭

白果一名銀杏其樹須雌雄相望乃結實或雌樹臨水照

影亦可或鑿一孔納雄木一塊泥之亦結熟時以竹篴
籬樹本擊篴則銀杏自落

葡萄一名蒲桃其根莖中空暮漑其根至朝而水浸及蔓
澆以米甘水最良

蓮本名芙蕖花已發爲芙蕖未發爲菡萏

芡實一名鷄頭子纍纍如珠璣米白色味甘平溫瀉大補
益人

菱一名菱一云兩角者菱三角四角者菱芡花開向日菱
花開背日故芡暝而菱寒

芡薺一名鳧茈生淺水中其苗三四月出土一莖直上無

枝葉狀如龍鬚色正青秋後結根大者如山查栗子臍有聚毛累累下生入泥底性能除熱

慈姑一名白地栗一根歲生十二子如慈姑之乳眾子故名生淺水中亦有種之者

落花生俗名長生果花墜土中生實

貨之屬

棉花南史高昌國傳有草實如繭中絲爲細繭名曰白疊取以爲布甚軟白

絲綿出於蠶功有桑處飼蠶繅絲紬絹間有織者

苧麻爾雅翼有實爲苴無實爲枲